




საქართველოს საავტომობილო გზების დეპარტამენტს

საქართველოს გარემოს დაცვისა და სოფლის მეურნეობის სამინისტრომ განიხილა თქვენი N12812 წერილით წარმოდგენილი სკრინინგის განცხადება, რომელიც ეხება აბაშის მუნიციპალიტეტში, სოფ. პირველი მაისის მიმდებარედ, მდ. ცხენისწყლის ნაპირსამაგრი (ნაპირდაცვითი) სამუშაოების განხორციელებას. გაცნობებთ, რომ სკრინინგის ანგარიშში დაზუსტებას საჭიროებს საქმიანობასთან დაკავშირებული შემდეგი საკითხები:

- იქიდან გამომდინარე, რომ საკვლევი უბანი მდებარეობს მდ. ცხენისწყლის შესართავის სიახლოვეს, აუცილებელია გათვალისწინებული იქნას მდ. რიონის გავლენა მისი დატბორვისა და კალაპოტის წარეცხვის დონეებზე. საპროექტო უბანზე ნაპირდამცავი ნაგებობის თხემის ნიშნული დადგენილი უნდა იყოს რიონზე მაქსიმალური დონეების პირობებში, ხოლო ნაგებობის ძირის ნიშნული კი - მინიმალური დონის პირობებში;
- დაზუსტებას საჭიროებს კალაპოტის ზოგადი წარეცხვის სიღრმის სიდიდე - პროექტში ორი განსახვავებული მნიშვნელობაა მოცემული - 10,6 მ და 6,15 მ;
- სკრინინგის განცხადებიდან ირკვევა, რომ უცხოელი სპეციალისტების მიერ გაანგარიშებული წყლის საანგარიშო ხარჯი (3480 მ³ /წმ) მნიშვნელოვნად აღემატება ქართველი სპეციალისტების მიერ გამოთვლილი 1%-იანი უზურნველყოფის ხარჯს (1335 მ³ /წმ). გაუგებარია განმარტება - „ნაპირთან წყლის სრული ხარჯი მიახლოებით 700 მ³ /წმ-ს შეადგენს“. როგორც ჩანს, საანგარიშოდ მიღებულია 700 მ³ /წმ ხარჯი (გვ.28), საპროექტო ნაგებობა გაანგარიშებული უნდა იყოს საქართველოში აპრობირებული წყლის ხარჯის განსაზღვრის მეთოდით, რომლის მიხედვითაც საანგარიშო ხარჯი - 1335 მ³ /წმ ტოლია;
- გრაფიკულ ნაწილში დატბორვის, წარეცხვისა და ნაგებობის დონეებზე დატანილი უნდა იყოს შესაბამისი რიცხვითი მნიშვნელობები.

ზემოაღნიშნულიდან გამომდინარე, სამინისტრო კანონმდებლობის შესაბამისად სკრინინგის გადაწყვეტილების გაცემის მიზნით ადმინისტრაციულ წარმოებას დაიწყებს ზემოაღნიშნული შენიშვნების გათვალისწინებით გადამუშავებული სკრინინგის განცხადების წარმოდგენის შემდეგ.

ნინო თანდილაშვილი



მინისტრის მოადგილე

